

www.BibleForChildren.org

Matius 8



Amar irua nelak roak, beti tamata ra rotu snoba sifa isa na'a ahua Kana, na'a propinsi Galilea. Yesus renan a novu snoba yai. Rasweang vali Yesus ovu Ni tamata ovi rorang la ma rovu snoba yai.



Na'ut i rira anggur roak rok, na Yesus renan nfalak verin la ne, "Rira anggur roak rok." Yesus renan nfalak verin tamata ovi rira rkarya ma rli'i anggur ne, "Myot-orang watan afa ovi nfalak ra."



Yesus nyalak verin tamata karya avyai ne,
"Mlyi'i ma wear nngora na'a ngusi avyai."
Ba tamata avyai rli'i ma ngusi avyai nngora
lahir ovu wear.



Nata Yesus nfalak verin tamata avyai ne,
"Fiang ini, myitu wear kedan a, ma myala
verin tamata i nasusan snoba ini." Ba
rot-orang afa i Yesus nfalak a.



Tamata i nasusan snoba yai ntebung wear a, na wear a na'a roak anggur, na'uk wol nka'a ne, anggur yai ntali ba. Na'uk tamata karya avyai rka'a. Ba tamata yai nera brana i nsifa yai, ma nfalak ne, "Na'ut i snoba wean ini, na tala lan anggur i lolin a ma tamata ra renu, nata nbolak roak ira, beti tala anggur i wol ka'i lolin a."



“Na'uk oa fwadok-aling watan anggur i lolin rahi lia munuk ini, ma beti mala mwa.”



Beti fasa lahir Yesus notu faneak i tamata ra wol
rot-nala na'a Kana i na'a Galilea.


Tali faneak yai, na la nfaturu
Ni dawan a, ba Ni tamata
ovi rorang la,
rorang urun la.



Nata Yesus nti Petrus ni rahan ma
nsi'ik, na Petrus avan a ntuba watan,
tevek tenan ngnea.



Ti ma Yesus ntaha vata yai liman a, na lolin lahir ia.
Itvata yai nbatar lahir ma ti nasusan afamtahan
verin la ma na'an.




Lera nakduvul ma laflofan roak, beti tamata ra rovun tamata ovi raruru ira, ovu ovi nait sian ra rleal ira ti verin Yesus. Tamata ra munuk na'a ahū yai rasdovu ira na'a rahan ngoran.



Yesus notu ma lolin tamata rivun tali rira suhut afaka watan, ovu naling vatuk nait sian ra tali tamata ra. Ia wol ntorung ma nait sian ra rangrihi, tevek rka'a munuk roak ne, Ubu Yanan Ia.



Ba tamata avyai rdava linga'an mane rkena Yesus,
tevek ngrebat i nvotuk tali tenan a notu ma lolin munuk
ira tali rira suhut ra.



Tamata ifa'at rsikat brana laklukut isa ma rati inyai.



Na'uk wol rti nala rahan ralan ma
rtuan Yesus, tevek tamata rivun
da'in. Ba rarata rahan ratan
a, ma rotu ma nablahi ma
rtolar tamata laklukut yai
ovu ni dari i
ntuba na'a.



Yesus nsi'ik tamata avyai, na nka'a lahir ne, rira inorang
a dawan, ba nfalak verin
tamata laklukut yai ne,
"Baba, a'i vatuk roak
mu salasilan ra."
"Ufalak verin oa
ma mdiri, ovu
mlulung mu dari a
ma mewal oa muti
mu rahan kikyai!"




Tali inyai, na Yesus nrata ula la na'a kumal isa, beti Ni tamata ra rorang la rarata, ma rti talik wan yai.



Brian munuk, na nait fufakmetan nkena ira na'a danau
yai ralan a, ba saksakan dawan ra
mane rulang ira ovu vali vaha
mane nngora roak na'a rira
kumal ralan a. Na'uk
Yesus ntub-lufa watan.



Yesus nfalak verin ira ne, "Notu afakinimi byobar i? Bira inorang a ko'u da'in." Nata Yesus ndiri ma nfareta nait ovu saksakan ra, ma rtalik ma ngarlina ma latlatan. Ni tamata avyai rtalkaka ma rsifalak afa verin ira ne, "Tamata ini iki la? la nfaret-nala nait ovu saksakan ra ma rorang la!"



Ubu Ni silobang dawan urun verin
tamata ra na'a lanit ivavan a, ma
nala lahir Yanan ikisa lalo'i a, boma
tamata iki watan norang la, na
veka wol nmata kakiwal, na'uk
veka nva'at, nata ti
wol ni wahan.



Roma 3:23 Ubu inan ma tamata ra munuk rovu la na'a vanan i nfitik nyadat. Na'uk tamata ra munuk lahir na'a lanit ivavan a rotu roak salasilan, bi notu ma rfaroa lahir ira tali vanan i nfitik nyadat a.

Roma 6:23 Tamata ovi rotu salasilan ra veka rira matmatan kakiwal. Na'uk Ubu nala vava'at kakiwal verin tamata ovi rira vava'at isa roak ovu dida Duila'a Kristus Yesus. Ia notu wean inyai wol ntali afa ovi totu ra, na'uk la ka'i nala watan.

Ibrani 9:27 Ubu nfadoku roak ma tamata ra rmata fasa watan, beti ti rdiri Ubu wahan ralan a ma nfaleka inukun verin ira.



Efesus 2:8,9 Ubu nala Ni rala lolin a verin mia, ba notu linga'an ma nsikat mia tali bira salasilan ra, ma bira vava'at kakiwal, tevek myorang Yesus. Inyai wol ntali afa lolin ovi myotu ra, na'uk Ubu ka'i nala watan verin mia. Ubu notu afa yai wol ntali afa lolin ovi myotu ra, ba deka tamata isa vali nfakaratat tenan a, ma nfikir ne, afa ovi notu ra not-nala ma Ubu nsikat ia tali ni salasilan ra, ma ni vava'at kakiwal.

Roma 10:9,10 Ba wean i mtyorong ma fyalak na'a tamata waharira ralan ra ne, "Yesus Duila'a la," ovu myorang na'a ralabira ra ne, Ubu nfava'at ewal roak la tali matmatan, na Ubu veka nsikat mia tali bira salasilan ra, ma bira vava'at kakiwal. Tevek ita torang ovu raladida ra, bi Ubu notu ma dida vava'at ra rmalola, ovu tatorung vali la ovu sumardida ra, bi Ubu nsikat ita tali dida salasilan ra, ma dida vava'at kakiwal.



Yohanes 3:16,17 Ubu Ni silobang dawan urun verin tamata ra na'a lanit ivavan a, ma nala lahir Yanan ikisa lalo'i a, boma tamata iki watan norang la, na veka wol nmata kakiwal, na'uk veka nva'at, nata ti wol ni wahan. Ubu wol nsinir Yanan nma lanit ivavan a ma nfaleka inukun verin tamata ra, na'uk nsinir la nma ma nsikat tamata ra tali rira salasilan ra, boma rira vava'at kakiwal.

1 Yohanes 5:11-13 Ubu Ni Ivar yai wean ini: la nala roak vava'at kakiwal verin ita. Vava'at kakiwal yai ntali a'uk Yanan a. Tamata ovi Ubu Yanan a nleal ralarira ra, rira vava'at kakiwal, na'uk tamata ovi Yanan a wol nleal ralarira ra, wol rira vava'at kakiwal. Utulis surat ini verin mia, tamata ovi myorang Ubu Yanan a, boma mkya'a lahir ne, bira vava'at kakiwal roak.



Matius 8-9; Markus 1-2, 4; Lukas 4, 8; Yohanes 2

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: E. Frischbutter; Sarah S.

Fordata Bible (frd) © 2016, Yayasan Pemberdayaan
Masyarakat Desa in cooperation with Wycliffe Bible
Translators, Inc.

<https://www.bible.com/bible/2178/MAT.1.FRD>

©2026 Bible for Children, Inc.

www.M1914.org

www.bibleforchildren.org

